

FEBRUARI MEI 2021 EDISEN



NIUSLETA BLONG KASTOM KRAON MANEJMEN OFIS



Waterfall on Maewo



Tingting bihaen ong Niusleta ia hemi blong serem infomesen, nius long ol stekholda blong mifala. Moa long hemia, hemi blong serem ol infomesen blong ol aktiviti we Kastom Kraon Manejmen Ofis i karemaot. Yu save kasem apdeit evridei tru long Facebook pej blong Kastom Kraon Manejmen Ofis o visitim ofis blong Nasonal Kodineta o Kastom Kraon Manejmen provinsol ofis kolosap long yu.

**Kastom Kraon
Manejmen Ofis i
prodium niusleta ia.**

AWEANES LONG MALEKULA



Aweanes ia i bin stap long plan blong karemaot stat long manis Februari kasem Maj 2021 mo Kastom Kraon Manejmen Ofis i fasilitetem gud wok ia. Implementesen ia hemi pat blong Bisnis Plan blong Kastom Kraon Manejmen Ofis (2021) mo oli inkoporet hemi insaed long wok plan blong Kastom Kraon Ofisa (Malampa) mo Trening Ofisa. Tufala tim memba ia we oli jusum, tufala i karemaot aweanes long ol difren vilej long ol difren pat blong aelan blong Malekula. Aweanes ia i kavremap olgeta stamba tingting olsem: Olgeta konstitusenol raet blong wanwan man, olgeta diuti mo responsibiliti blong olgeta, besis blong indipendens, raorao from kraon, fasin blong stretem raorao, ol atikol blong konstitusen we i dil wetem ol isiu blong kraon mo paoa blong kastom institusen we hemi dil wetem desisen blong onasip.

Ol eria we oli kavremap long Malekula

- Not Wes A
- Not Wes B (pat)
- Saot Inlan
- Saot
- Sentrol
- Not Ist
- Saot Ist
- Ol of sho Aelan

Tokbaot Wok long Amelvet Sekondari skul

Ofis blong Kastom Kraon Manejmen i manej blong mekem toktok long saed blong karia long Amelvet sekondari skul. Aweanes ia i no kavremap karia tok nomo be hemi tijim ol studen tu long olgeta raet blong olgeta long traeb, klan o famili mo long



Ol student blong Amelvet
(aweanes)

JASTIS MO FEANES LONG KASTOM KRAON.

kastom kraon. Wanem we i moa impoten tu hemi blong talem long olgeta yang jeneresen mo ol fiuja lida se kastom kraon hemi blong traeb, klan blong olgeta be i no wanwan man. Prinsipol blong skul i glad long tim we i mekem aweanes wetem ol studen from we hemia bae i givim sam tingting long sam studen long fiuja karia blong olgeta.



Ol Patisipen blong Hatbol



Aweanes long Unua (5)

Ofis blong Kastom Kraon Manejmen i no fokus nomo long saed blong eduketem ol jif mo ol pipol we oli save kastom long hao blong lukluk long ol keis blong kraon, ol konstitusenol raet blong olgeta be hemi eim tu blong tijim yang jeneresen long hao blong manejem kastom kraon long wan fasin we i sastenebol mo i gat rispek, we bae i mitim karen nid blong olgeta mo bae no save afektem fiuja blong olgeta long saed blong kraon. Ol yangfala oli nid blong harem save se kastom kraon long Vanuatu i no blong wan man nomo mo mekem sua tu se i gat stabili mo nogat instabiliti long kastom kraon blong mekem se bambae pikinini o pipol long Vanuatu i gat kraon long fiuja from we kraon i blong Traeb, Klan o famili.



Long namba 27 Eprel 2021, ofis blong Kastom Kraon Manejmen tru long ofis blong Sanma wetem kolaboresen blong probesen ofis (Linda Vutilolo) long Santo, i implementem wetem sukses pat blong projek program we Linda Vutilolo i inisietem blong eduketem ol prisena we oli rilisim olgeta 'on parole' long ol difren topik olsem pat blong rehabiltesen blong olgeta blong givim infomesen long olgeta. Ofis blong Kastom Kraon Manejem i bin tekpat long hemia blong givim infomesen long saed blong Atikol blong Konstitusen we i rilet long graon, rasenol bihaen Vanuatu, histori blong resolusen blong ol raorao from graon, karen kastom institusen we i disaed long onasip mo ol raet blong man long graon. Pepes blong aweanes ia hemi blong sapotem probesen ofis projek Rehabiltesen program blong

eduketem ol prisena we oli rilisim olgeta 'on parole' long infomesen blong kastom graon mo raet blong olgeta mo ol prosija we i stap blong folem sipos i gat eni isiu long fiuja abaot kastom graon. Olgeta we oli rilis 'on parole' (olsem pikinini blong nasara, Traeb o klan) i kasem enaf infomesen long saed blong graon mo oli glad long infomesen we oli kasem mo oli kobak wetem glad hat & wetem wan narafala yusful infomesen we bae oli no save fogetem.




**Prinsipol Not (Freddington Aru)
i stap mekem aweanes**

Long Vanuatu, folem ol rul blong kastom, evri pipol oli blong wan traeb, klan o famili. Traeb ia, klan i gat kastom graon blong hem wan wetem kastom baondri we spirit blong olgeta i holem tugeta wetem graon. Nomata long wanem situesen yu fesem, yu stil pat blong wan traem we i gat raet blong onasip o yusa raet ova long kastom graon. Hemi tingting blong ofis blong Kastom

Kraon blong eduketem pipol long kalabus, skul, jej mo evri oganaesesen long ol raet, Mama Loa mo ol loa we i rilet long graon. From ol risen ia, wetem kolaboresen wetem probesen ofisa long Santo, ofis i karemaot gud aweanes ia wetem ol prisena we oli rilis 'on parole' long Sanma provins. Nomata we oli fesem penalti we ol difren ofens we oli mekem, oli stil pat blong sosaeti mo oli stil pat blong traeb mo oli gat ful raet long kastom graon blong olgeta. Mo from hemia, ol pipol ia oli nidim jastis mo feanes oltaem wetem rispek long kastom graon blong olgeta.

AWEANES LONG MAEWO MO LONG WEST AMBAE

Stat long namba 28 Eprel kasem 8 Mei 2021, ofis we i responsibol long diteminesen blong lan onasip i



karemaot aweanes long Maewo mo West Ambae. Tingting bihaen long aweanes ia long ol difren eria long Maewo & West Ambae hemi blong givim infomesen long saed blong kastom graon. Mesej long rasenol blong indipendens, histori blong resolusen blong ol raorao long kot, kastom institusen we i gat karen


Source: Freddington Aru.

blong onasip mo yus blong graon long Ripablik blong Vanuatu, ol fundamentol raet long mama loa mo ol mein tingting long mama loa we i dil wetem ol isiu long saed blong kastom graon. Ol eria we oli tagetem we wanwan grup we oli jusum blong go long hem blong karemaot aweanes hemi long Not mo Saot Maewo mo West Ambae. Ofis i bin visitim Ist Ambae, Not mo Saot long yia 2020 mo hemi komplitim aweanes long evri pat blong Ambae.

Olgeta pipol blong Maewo mo West Ambae oli talem tangkyu long tim long ol efot blong travel i kam long wanwan komuniti blong serem ol mein poen blong konstitusen, raet blong olgeta mo ol infomesen we oli nidim long saed blong graon. Hemia i kontribut blong mekem oli tingting mo helpem olgeta blong gohed blong yusum graon blong olgeta long wan sistem blong kastom we ol kastom rul i rikwaerem. Ol gudgudfala mesej ia long saed blong graon i givhan blong eduketem pipol we oli gat ol kastom rul. I nogat pipol we i nogat graon long Vanuatu; evri sitisen we i bon long wan traeb, oli gat wan ples blong stap long hem mo planem kakae mo gat raet long graon. Mo i nogat onasip mo ol yusa raet olsem we ol kastom rul oli givim long olgeta mo hemi ol fundamentol diuti blong kastom ona gruping mo ol yusa raet gruping blong rispektem wanwan long olgeta blong kontinu blong mentenem mo promotem pis from we Loa blong graon i givim graon long olgeta finis long wan pisful wei.

Populesen we oli kavremap long Saot Maewo long wanwan vilej. I gat sam vilej long Maewo we oli kavremap tu be i nogat aveilebol data taem mifala i mekem mo faenalaesem niusleta edisen ia. Gaiowo (Not Maewo)

- Lalavaru (Not Maewo)
- Naviso (Ist Maewo)
- Asanvari (saot Maewo)




Karia Toktok long Gambule Sekondari skul (Maewo)

Olsem pat blong Bisnis Plan blong Ofis blong Kastom Kraon Manejmen blong karemaot aweanes long olgeta skul long Vanuatu. Afta long wan gudfala diskasen wetem prinsipol blong Gambule Sekondari skul mo Skul Impruvmen Ofisa (SIO) blong Maewo, KLMO i gat janis blong karemaot karia toktok wetem ol studen blong sekondari level stat long yia 7 kasem yia 10 long Sekondari skul blong Gambule.



Studen blong Gambule (Maewo) long taem blong karia toktok.



I gat 20 vilej, data i no aveilebol taem mifala i mekem edisen ia, i mekem se yufala i no save lukim long graf ia.

Samari blong Maewo & West Ambae.


Aelan/Eria Kaonsel	Namba blong vilej we oli visitim	Namba blong pipol we oli kasem	Namba blong ol skul we oli visitim
Eria Kaonsel blong Not + Saot Maewo	18	432	1 (Gambule Junia Sekondari Skul)
West Ambae	31	164	-

PLAN BLONG AWEANES WE OLI IMPLEMENTEM LONG SANTO

Long namba 26 Maj kasem namba 7 Eprel 2021, ofis blong Kastom Kraon Manejmen i implementem program blong aweanes olsem pat blong fulfilmen blong Bisnis plan blong KLMO ofis we oli inkoporetmem insaed long Sanma provinsol individuol wok plan mo Trening ofisa wok plan.

I gat ol difren tim we oli putum tugeta mo oli go aot long ol difren pat blong Santo blong fasilitetem mo implementem program blong aweanes ia.

Populesen we oli kavremap long taem blong aweanes long Santo




Samari blong Mass Aweanes long Santo

Oi Eria Kaonsel we oli go long hem	Diteil blong olgeta vilej	Namba blong pipol
Bush blong Big Bay	• Winsau, Nawelala, whitegrass, vuriroro, vunaman	55
	• Angoru	20
	• Mataloi	42
	• Lape	20
Kost blong Big Bay	• Malovuko	23
	• Pesena	55
	Pematisina	53
	Lolomatalo	52
	Puelvus	37
	Pialulup	21
	Vunarei	17
	Vasi,jureviu/tuturu	51 bigman ,32 studen
	Tolomako	44
	Malao	46
Saot Ist Santo	I nogat data we i aveilebol	Oli no karem namba blong pipol
Saot Santo Eria 1 & 2	Vimala,Narako,nJingo mo surrounding, wailapa,Tanovusvus, Tasiriki,Nerang, Araki	Oli no karem namba blong pipol
Canal Fanafo		
West Kost & Not West		

Tebol ia i soem samari blong ol vilej mo populesen we oli kavremap, be sam data oli no rejistarem.

Setifiket blong *Recorded Interest in Land* (Grin Setifiket)

Ofis blong Kastom Kraon i bin givimaot 13 setifiket blong '*Recorded Interest in Land*' (Grin Setifiket) stat long manis Februari kasem Mei 2021. Besis blong Setifiket ia hemi jajmen blong onasip ova long kastom graon we kastom institusen i rulum.




Graf ia i soem namba blong Setifiket we oli givimaot long wanwan provins stat long manis Februari kasem Mei 2021. Setifiket ia i gat ol infomesen blong graon, diteil blong kastom ona, infomesen blong kot mo tu representetiv blong kastom ona. Mo hemia i minim se i no moa gat eni keis we oli rejestarem insted long hemia, i gat deklasesen blong onasip we i kam long kot mo oli setifaem tru long Ofis blong Kastom Kraon Manejmen.

APLIKESAN BLONG LIS WE OFIS I RISIVIM

Ofis blong Kastom Kraon Manejmen tru long Lan Rifom Ofisa, i bin rikodem 38 Aplikesen blong Lis we Lan Manejmen Planing Komiti (LMPK) i apruvum, mo oli fowodem i go long ofis blong Kastom Kraon Manejmen blong disaed long onasip.

Proses ia blong kasem '*Negociator Certificate*' oli tokbaot long Lan Rifom Akt (CAP 123). Pepos blong fowodem ol aplikesen blong lis ia i go long Kastom Kraon Manejmen hemi blong meksua se ofis we i responsibol blong disaedem onasip i kontinu blong konsaltem Nakamal blong faenemaot kastom ona mo l ong ol keis we i gat kastom ona we oli diklerem, ofisa i nid blong konsaltem kastom ona ia blong karem konsent

blong hem long aplikesen blong wan '*Negociators Certificate*'. Long ol keis we i gat raorao long graon yet we oli rejestarem bifo long kot, ofis i mekem konsaltesen wetem evri pati we oli stap rao from graon ia. Olgeta 38 aplikesen blong '*Negociator Certificate*' we oli sendem i go long ofis blong Kastom kraon Manejmen, oli difren evriwan long ol stetes blong olgeta folem stetes blong Kastom graon. Graf daon ia i soem yufala ol difren stetes blong Graon.



Ofis i rikodem 7 Aplikesen blong 'Negociator Certificate' we i stap yet bifo long kot, 10 aplikesen we oli nidim konsaltesen mo ofisa responsibol i karemaot konsaltesen Ripot, 2 aplikesen oli statem proses blong olgeta blong putumap notis long bilbod blong pulum miting long Nakamal afta long 30 dei, mo 19 long olgeta oli stil nidim blong putumap long bilbod.

Ofis we i responsibol long proses blong resolusen blong raorao oli stap wok had tu blong kontinu blong wok from intres blong kastom ona ova long wanwan Kastom kraon blong olgeta long ol difren pat blong o aelan blong Ripablik blong Vanuatu. Moa long hemia, ofis blong Kastom Kraon Manejmen i stap wok moa wetem kastom institusen blong meksua se i gat Jastis mo Feanes oltaem long saed blong graon taem i kam blong disaed long onasip blong Kastom Kraon.

Aweanes long Paama

Provinsol Kastom Kraon Ofisa long Malampa i bin fasilitetem program blong Aweanes long Paama wetem olgeta jif mo man we i save long Kastom bifo i karemaot Nakamal miting. Tingting bihaen long aweanes ia hemi blong eduketem ol jif mo givim rifresha long save blong olgeta long proses blong karemaot Nakamal miting.



NAKAMAL MO ERIA BLONG MITING

Ofis i gohed wetem wan long ol wok blong hem blong fasilitetem proses blong 'Dipute Resolution' - Stretem ol Raorao. Stat long manis blong Februari kasem Mei, provinsol ofisa i karemaot Nakamal miting &

Kastom Eria Lan Traebunol long wanwan pronvins mo aelan. Ofis i rikodem 10 Nakamal miting we oli mekem mo sam Kastom Eria Lan Traebunol we oli tekples. Ofis blong Kastom Kraon Manejmen i travel i go long Paama blong komplitim evri Nakamal miting, konsaltesen bifo i muv blong komplitim evri Nakamal blong Saot Ist, Not mo West Ambrym.



TOK TANGKYU



Ofis blong Kastom Kraon Manejmen i wantem talem tangkyu long wanwan mo evriwan we oli kontribut long Dvelopmen blong ol Nius Apdeit ia blong KLMO. Ofis i apresietem ol Had-wkoing staf blong KLMO long wanwan provins mo tu ol sapot staf long Port Vila.

Mifala i laekem blong wok wetem Graon mo help protektem Reat blong yu long saed blong Graon mo mekem sua se oltaem i gat Jastis mo Feanes long Kot taem oli dil wetem raorao from graon. I no hemia nomo, be mifala i kontinu blong protektem mo givhan long lokol kastom ona blong praktisim manejmen blong kastom kraon.

Plis kontinu blong visitim mifala long Facebook pej: Custom Land Management blong moa apdeit o visitim eni ofis blong Kastom Kraon kolosap long yu o kolem mifala tru long ol namba daon ia:

Ofis Mein Laen: 27297
 Nasonal Kodineta: 27298
 Nasonal Kodineta: 7305080
 Faenans Ofisa: 7305102
 Prinsipol Not: 7305101
 Senia Eksekutiv ofisa: 7305103
 Data Beis Ofis: 7305106
 Lan Rifom ofisa: 7305107
 Trening ofisa: 7305081
 Torba: 7305092
 Sanma: 7305097
 Penama: 7305091
 Malampa: 7305105
 Shefa: 7305096
 Tafea: 7305110

JASTIS MO FEANES LONG KASTOM KRAON.